



::: للبنات وبسن :::

٣ نصيب ورسمة ♥

٢٤ معاني الأنوثة ♥

٢٨ حياة جديدة ♥

جمع وترتيب

د / مصطفى إبراهيم زايد

رقم الإيداع

٢٠١٠/١٥٥٣٥

دار النعيم

للنشر والتوزيع

٠١٠٣٤١٨٧٨٤

« الزواج يا بنات سنة ربنا فى الأرض..يعني مش عيب ولا حرام إني أتمنى الزوج الصالح..بالعكس ؛ دا من وصايا النبي ﷺ :
« تزوجوا فإني مكاثر بكم الأمم ، و لا تكونوا كرهبانية النصارى »^(١)

« ومشكلة العنوسة موجودة من زمان ؛ بس مش كانت أصبحت ظاهرة بشكل واضح لأسباب كثير جداً مش موضوعنا إنا نتكلم فيها .. والإحصائيات الأخيرة بتوضح مدى سوء المشكلة يوم بعد يوم ..!!
► **المشكلة الكبرى** اللي بتقابل أي بنت فى موضوع العنوسة هي مشكلة الضغوط من عدة اتجاهات..
أهمها :

- ⊖ ضغوط من البنت نفسها ..
- ⊖ وضغوط من الأهل ..
- ⊖ وضغوط من الناس ..

« قولولي أعمل إيه بس يا ناس؟؟!!
ياللا إنتي وهيا إمشوا من قدامي ..
كل واحدة تنزل دلوقتي ومترجعش البيت إلا بعريس فى إيديها وإلا مش هتدخل البيت !!
صبرني يارب! ... صبرني يارب!



« نسيب الست أم فاروق على ما تهدى شوية..
وتعالوا بينا نتكلم فى مشكلة مهمة جداً ..
وأكيد طبعاً عرفتموا هتكلم معاكم فى إيه ..

مشكلة العنوسة..!!

أو مشكلة البنات اللي إتأخر زواجهم شوية ...



^(١) صححه الالباني فى صحيح الجامع



وناس تانية بحكم العادات والتقاليد مش راضية تجوز الصغيرة قبل الكبيرة ، فنفسها الكبيرة تتجوز علشان توسع الطريق لآخواتها.. وهكذا.. كل ده بيخلي الأهل مضغوظين وكمان بيضغظوا على البنت ، وزى ما شفتوا فى أول الموضوع الست أم فاروق!!

ثالثاً : ضغوط من الناس :

الناس مش بتسبب حد فى حاله أبداً ، وخصوصاً بين الستات وبالذات موضوع الجواز ده .. مش عارفه فلانه لسه متجوزتش لحد دلوقتى ياترى إيه السبب؟ يكون مش عارف إيه؟؟ وفلانه خطيبها سابها ! وفلانة عريسها عمل مش عارف إيه؟؟ وفلانه وفلانه.. وكلام الناس بيخرج ومش بيخلص!

➤ **الضغوط دي مع الشيطان مع النفس الأمانة بالسوء بيدفعوا البنت إنها توصل لدرجة إنها عايزة تعمل أي حاجة مقابل إنها تتجوز.. أو تشيل الضغوط دي عنها بأي طريقة حتى ولو كانت الانتحار!!!!**




أولاً : ضغوط من نفس البنت:

وده غصب عنها مش بمزاجها .. زى ما قولنا إن الزواج سنة ربنا فى الارض , وربنا سبحانه وتعالى خلق المرأة ضعيفة وميالة للعاطفة ، محتاجة زوج يكون جنبها .. يعطف عليها ويحسسها بالحنان والأمان ، ده غير فطرة الأمومة اللي ربنا أوجدها فيها ؛ فالبنت جواها زيها زى أي بنت ، نفسها تتجوز وتبقى ربة بيت وتبقى أم وتعيش الحب الحلال ..

ثانياً : ضغوط من الأهل:


ودي من الضغوط الكبيرة على الأهل قبل ما تكون على البنت ، خاصة فى الزمن ده ، وفى ظل الظروف الصعبة اللي بيعيشها الأهل.. يتلاقى الأهل وخصوصاً الأمهات نفسها تشوف بنتها عروسة وتفرح بيها ونفسها تشيل ولادها وتلاعبهم .. دي مشاعر معظم الأمهات ؛ بجوار إن فيه بعض الناس نفسها بناتها تتجوز علشان تخفف عنهم المصاريف والأعباء شوية



◀ تبدأ تخرج وتلف وتروح هنا وهناك على أمل إن حد يشوفها ويتقدم لها .. وبرده مفيش فايده !
 ◀ تبدأ ترخص نفسها لو كانت فى كلية مثلاً أو فى شغل وتروح هي اللي تكلم الولاد وتتصاحب عليهم وده طبعاً بنشوفه كثير .. وبرده مفيش فايده !
 ◀ تدخل النت .. وتكلم ده وتشيت مع ده .. وتدي ده رقم موبايلها .. وبرده مفيش فايده !
 ◀ ولو البنت ماكنتش جميلة مثلاً أو مش واثقة فى نفسها ممكن تتنازل وتعمل أكثر من كده عياداً بالله وإنتو شايفين أكثر مني !

طيب ليه كده مفيش جواز برده؟؟

◀ أصل المشكلة إن البنت مش عارفة إن كل اللي بتعمله ده اسمه أخذ بالأسباب .. حتى ولو كانت الأسباب دي صح أو غلط .. هي فاكرة إن الأسباب دي ؛ زي الجمال واللبس والخروجات والشات هي اللي هتجيب العريس .. ونسيت البنت إن رب الأسباب سبحانه وتعالى هو اللي لازم يأذن علشان الأسباب تشتغل .. ومن غير ده .. يبقى حتى لو أخذت بأسباب الأرض كلها مش هيجلها عريس برده..!



◀ يعني بعض البنات زي ما بنشوف وبنسمع كثير .. تكون ملتزمة وصاينة نفسها ومش عايزة تغضب ربنا ومع ذلك برده مجالهاش عريس لحد دلوقتي ؛ مع إن زميلاتنا اللي مش ملتزمين.... أو على الأقل لبسهم مش كويس بيجيلهم عريس واثنين وعشرة وهي مفيش حد عبرها ولا فكر يدق الباب..!

فيبدأ الشيطان يشكك البنت فى نفسها ..

هو أنا صح ولا غلط...؟؟؟

طيب لو صح ، أمال ليه أنا كده وهما كده؟؟

➤ ويبدأ الشيطان يشوف شغله ويخليها تتنازل واحدة واحدة .. مثلاً من نقاب لخمارة .. ومن خمارة لعباية وطرحة قصيرة .. وبعدين جيبة وبلوزه .. وبعدين شوية ميك أب خفيف .. وبعدين بنطلون ... وهكذا ... وبعد كل ده ، برده مفيش عريس...!!!!



◆ هقولك يا أختي : حتى لو فرضنا إن كلامك صح وإن الناس بقت تختار بناءً على الجمال واللبس والشياكة .. هسالك يا أختي شوية أسئلة وعائزك تفكري فيها كويس جداً..

◀ **تفتكري** الشاب اللي إختار بنت علشان جمالها .. لو حصلها أي حاجة ،مثلاً طلعلها شوية حبوب في وشها أو لا قدر الله حصلها حرق أو أي حاجة .. هيطيق يعيش معاها بعد كده !؟!

◀ **تفتكري** اللي إختار بنت علشان عجبته في فرح أو حفلة مش هيبص لغيرها ..ده بص لألف واحدة قبلها زي ما بصلها ..ولا تفتكري ده واحد ملتزم ومتدين علشان يختار بالشكل ده ؟

◀ **تفتكري** إن العريس اللي إختار الجمال .. وسمح لعروسته إنها تقلع الحجاب في ليلة الفرح وخلاها ترقص قدام الناس..تفتكري ده راجل أصلاً عنده نخوة هيحافظ على زوجته ويصونها ويخاف عليها ؟؟



﴿ طيب إيه الحل دلوقتي؟؟؟ ﴾

قبل ما نتكلم في الحل ...

لازم ألفت نظر البنات لعدة نقط ..

⊖ **أولاً :** أنا كشاب زي أي شاب (والناس بتقول عليا محترم وكويس) لما أجي أدور على زوجة ، عمري ما هختار زوجتي من على الشات ، أو بمكالمة موبايل وعمري ما هفكر في يوم في واحدة لبسها مش زي ما ربنا ورسوله ﷺ أمر ، ولو كانت حتى أجمل واحدة في الكون! أنا أهم حاجة عندي الدين .. أولاً وأخيراً..

♥ **الدين والحياء** اللي هيخلوكي أجمل واحدة في نظر أي شاب ملتزم ..

◀ **بنت هترد وتقول :** طيب ده كلامك انت !!

إنما اللي بنشوفه على أرض الواقع دلوقتي إن أغلب

الناس بقت تختار بالجمال واللبس والشياكة ..!!!

وأكبر دليل إن أصحابي اللي مش ملتزمين إتجوزا

وأنا الحمد لله بطيع ربنا في لبسي وفي حياتي ..

ولسه قاعدة ومتجوزتش؟!!



« تأملي حديث النبي ﷺ علشان تعرفي ربنا بيرزق المتبرجات واللي بيعصوه بعمرسان ليه وإنتي لأ..! قال النبي ﷺ : « إذا رأيت الله يعطي العبد من الدنيا على معاصيه ما يحب فإنما هو **إستدراج** ، ثم تلا قول الله تعالى: { فَلَمَّا نَسُوا مَا ذُكِّرُوا بِهِ فَتَحْنَا عَلَيْهِمُ أَبْوَابَ كُلِّ شَيْءٍ حَتَّى إِذَا فَرِحُوا بِمَا أُوتُوا أَخَذْنَاهُمْ بَغْتَةً فَإِذَا هُمْ مُبْلِسُونَ } { الأنعام : ٤٤ » صححه الألباني .

◀ يعني ربنا بيستدرجهم وهما مش حاسيين .. ربنا يتوب علينا وعليهم قبل فوات الأوان ..

⊙ **ثانياً: إوعي** علشان كبرتي في السن أو زواجك إتأخر ، أول ما عريس يجيلك ترضي بيه لو كان غير ملتزم .. إنتي ممكن تتنازلي عن أي شئ .. فلوس , ذهب , فرح .. إنما الدين لأ .. كله إلا الدين !! إحنا عايزين عريس صالح ياخذ بإيدك للطاعة ويعيش معاكي بالمعروف ويعاملك زي ما النبي ﷺ كان بيعامل زوجاته .. وتربوا ذريةً سالحة تكون صدقة جارية ليكم بعد وفاتكم ...



◀ **تفتكري** إن البنت اللي راحها شاب عنده عربية و عمارة وفلوس ولكنه مش بيصلي ، ووافقت عليه ! تفتكري ده هيعاملها بما يرضي الله ، وهيتقي الله فيها وهتكون عيشتهم سعيدة؟؟

◀ **آه بنات كئيد بيتجوزوا...**

بس ايه اللي بيحصل بعد الجواز؟؟

مصايب وبلاوي.. وعيشة سيئة جداً.. وده اللي بنشوفه وبنسمعه... وما خفي خلف أبواب البيوت كان أعظم!!

➤ **كام حالة طلاق في المحاكم و كام مشكلة ! ليه؟؟**
 ◀ لأن البيت اتبنى غلط من الأول ! و آثار المعصية بدأت تظهر! الناس فرحت علشان البنت إتجوزت!!!
 سنة أو سنتين أو كام شهر حتى وتلاقيها اتطلقت!!
 ➤ والمشكلة تبقى أكبر من الأول لو معاها أولاد!!
 ➤ والأدهى إنها ممكن تكون عايشة عيشة لا تطاق !
 نكد وهم وغم وضرب وخرافات .. ومُجبرة على كده علشان خاطر الأهل أو مش عارفة تتطلق أو لأي سبب كان..!

يا ترى تحبي تتجوزي وتبقى دي عيشتك؟؟؟؟!

👉 طيب إيه الحل؟؟؟

أنا زهقت من نفسي ومش عارفه أتصرف إزاي مع بابا وماما ومع الناس!؟!

أولاً : مع نفسك :

لازم قبل كل شئ تجديد التوبة لربنا سبحانه وتعالى عايزين يبقى عندنا شوية يقين ..
بنت هتقول: هندخل بقى في كلام الشيوخ يقين وبتاع !
هقولك : ده مش كلام شيوخ يا أختي !
 ده كلام ربنا اللي خلقنا وعارف مصلحتنا .. وكلام النبي ﷺ الذي لا ينطق عن الهوى ، اللي ربنا أرسله رحمة لنا وللعالمين .. ده الدين بتاعنا ، اللي هدفه إننا نعيش أحلى حياة .. وإنتي أكيد عارفة إن من شروط الإيمان ؛ الإيمان بالقضاء وبالقدر خيره وشره ..
يعني إيه ؟ يعني كل اللي يجيبه ربنا خير ... يعني اتجوزت ، الحمد لله .. خير .. الجواز إتأخر ، الحمد لله خير .. متجوزتش (لا قدر الله) .. برده الحمد لله خير ..
 لو ربنا كاتبلي عريس يبقى هيجيلي هيجيلي ..

♥ عايزين حياة هادية ومستقرة وكلها تسامح ورحمة ومودة ، و كل دا مش هيتحقق إلا مع واحد فاهم دينه وفاهم إزاي كان حبيبنا ﷺ بيتعامل في حياته كلها ..

⊖ **ثالثاً : إوعى** تفتكرى إن كل واحد قالك بحبك وبموت فيكي يبقى صادق ومش بيكدب عليكى!؟!!

من كام يوم كنت قاعد مع جماعة زمايلي فلقيت واحد فيهم بيقول للتاني .. البنت (فلانة) أنا زهقت منها خلاص .. وهديك رقمها تعيشك معاها يومين .. التاني قاله ليه بس؟ ده إنت بقالك معاها كام سنة ووعدها بالجواز والبنت متعلقة بيك .. قاله إنت هتعيش إنت كمان!! إوعى تكون فاكرا إنى بحبها بجد!؟ ولا ممكن أتجوزها أصلاً؟! **يوميه بنقضيهم وغدنا يستلم !**

👉 **وللأسف** .. بنات كثير مضحوك عليهم وعایشين في وهم الحب .. الوهم اللي غرقان في بحوره معظم البنات ومش بي فوقوا منه غير بعد كوارث حسية ومعنوية ؛ ممكن تفضل ملازماهم العمر كله !!!



« يعني إنتي عماله تلقى ورا العريس وهو بيلف وراكي !! خليكي واثقة في ربنا إنه هيرزقك ..
ربنا سبحانه و تعالى أعظم و أحلم و أكرم من كل ما يتصوره العباد ..

ولو حد قالك مثلاً إنتي إزاي هتتخطبي

أو تتجوزي من غير ما حد يشوفك؟؟

لازم تخرجي وتروحي هنا وهناك وتفرجي الناس !

« قوليله : أنا عندي يقين إن عريسي مقسوملي ومكتوبلي من يوم ما اتولدت ..بيجي إزاي دي مش بتاعتي ! دي ربنا سبحانه وتعالى اللي بيسبب الأسباب علشانها .. زي الأكل ما بيجيلي كل يوم وأنا قاعدة في بيتي لحد عندي .. بابا بيحبيه .. أي حد يحبيه .. المهم إنه بيجي !... كذلك موضوع العريس ..

« وإوعي تفتكري إنك مهما لبستي أو اتشيكتي أو كنتي جميلة أو كلمتي ولاد إن كل ده هيسرع جوازك! بالعكس ؛ **إنتي كدا بتضيعي منك دنيا و آخرة !!!**



« ييجي النهارده.. بكره.. بعد شهر.. بعد سنة ؛ المهم إنه هيجي وقت ما ربنا يشاء ..

« أحد السلف كان بيقول كلام جميل جداً، بيقول :

(علمت أن رزقي لن يأخذه غيري فاطمان قلبي)

يعني رزقي مكتوب من يوم ما اتولدت ..

محدث هياخذه غيري..يبقى أشيل الهم ليه؟؟

« بل فيه حديث من أعجب الاحاديث وأول ما حد يعرفه ، المفروض إنه يغير من تفكيره تجاه الرزق تماماً .. ويبطل يشيل الهم بقى
يقول النبي ﷺ :

« إن الرزق ليطلب العبد كما يطلبه أجله » (١)

« يعني الرزق هو اللي بيجري وراكي علشان يوصلك زي ما الموت بيجري وراكي ! سبحان الله !

(١) صححه الالباني فى صحيح الترغيب والترهيب



﴿ زى ما قولتلك قبل كده ، ترضي إنك تتجوزي
وتعيشي في هم وغم وجحيم ، وهتتمني ساعتها إنك
تقدي طول عمرك عانس ولا إنك تكوني إتجوزتي!
خلي الآية دى فى قلبك دايمًا: ﴿ وَعَسَى أَنْ تَكْرَهُوا
شَيْئًا وَهُوَ خَيْرٌ لَكُمْ وَعَسَى أَنْ تُحِبُّوا شَيْئًا وَهُوَ شَرٌّ
لَكُمْ وَاللَّهُ يَعْلَمُ وَأَنْتُمْ لَا تَعْلَمُونَ ﴾ [البقرة: ٢١٦]

﴿ ربنا بس هو اللي يعلم الخير فين .. وهو أرحم بيكي
من أي حد تاني... لو يعلم إن الجواز خير كان قدّمه
ليكي .. ولكنه يعلم إن تأخيره هو اللي خير ؛ علشان
كده أخّره ..

♥ يبقى خليكي فاكرة دايمًا :

(وَاللَّهُ يَعْلَمُ وَأَنْتُمْ لَا تَعْلَمُونَ)



﴿ تأملي الحديث ده .. قال رسول الله ﷺ :
« إن روح القدس نفث في روعي ، أن نفساً لن
تموت حتى تستكمل أجلها ، وتستوعب رزقها ،
فاتقوا الله ، وأجملوا في الطلب ، ولا يحمّن أحدكم
إستبطاء الرزق أن يطلبه بمعصية الله ، فإن الله
تعالى لا يُنال ما عنده إلا بطاعته » صححه الألباني .

▶ يعني إوعي علشان الرزق إتأخر شوية تعصي ربنا
علشان تطيبه..! خليكي فاكرة كويس ..

(ما عند الله لا يُنال إلا بطاعته)

﴿ بنت هتقول: طيب أنا ملتزمة أو كنت مش ملتزمة
وبفضل الله إلتزمت وغيرت لبسي وحياتي وبقيت
بطيع ربنا.. وصبرت كتير وجوازي متأخر برده؟؟؟!
هقولك : يبقى لازم تعرفي إه ده هو الخير ليكي..
﴿ أيوه .. إن جوازك يتأخر أو (لا قدر الله) إنك
متجوزيش هو ده الخير ليكي ..



❖ واخيراً.. ولكنه ليس بأخير.. بل قبل كل شيء..
عليكي بـ **الدعاء** ..

ربنا قال: **(وَقَالَ رَبُّكُمْ ادْعُونِي أَسْتَجِبْ لَكُمْ)**

♥ يعني الدعاء مستجاب.. خاصةً بقى لو في قيام الليل أو بين الأذان والإقامة أو أثناء السجود ..
قولي يا رب ، وإطربي الزوج الصالح من الله ..
خزائن ربنا مليانة عرسان ... بس إنتي قولي يا رب..
❖ **بنت هتقول:** طيب أنا بدعي ربنا بقالي كام سنة وحاسه إنه مش بيستجاب ليا!؟!

♦ **هقولك :** مين قال كده!؟ لو إنتي فعلاً بتدعي بعد تجديد التوبة وبإخلاص وبتاكلي من حلال يبقى إن شاء الله دعائك مستجاب مستجاب ..

❖ **بس الإستجابة دي إزاي!؟** شوفي حديث النبي ﷺ:
« ما من مسلم يدعو ليس بإثم ولا بقطيعة رحم إلا أعطاه الله إحدى ثلاث:

- ① إما أن يُعَجَّلَ له دعوته (يعني ربنا يستجيبها له في الدنيا)
 - ② وإما أن يدخرها له في الآخرة
 - ③ وإما أن يدفع عنه من سوء مثلها
- قالوا إذا نُكِّثَ , قال الله أكثر « صححه الألباني .



ثانياً : مع الأهل :

الأم والأب.. فكرهم غير فكرك!..
بس ممكن تقنعهم بالكلام اللي فات ده ..
❖ بس فيه آباء وأمهات كتير إيمانهم ضعيف وبرده مش بيقتنعوا .. **أعمل إيه معاهم ؟**
❖❖ إصبري عليهم وإوعي تزعي معاهم أو تزعليهم..
وإتعاملني معاهم بكل أدب واحترام ورحمة..
ومتجادليش كتير علشان متتعبيش.. وإدعي ربنا إنه يهديهم ويرزقك الصبر عليهم والبرّ بيهم..

ثالثاً : مع الناس :

إوعي تلتفتي لكلام أي حد .. الناس عمرهم ما هيبطلوا كلام ، سواء إتجوزتي أو متجوزتيش!
سببي الناس يقولوا زي ما يقولوا.. !!!
ولا يهز شعره فيكي .. إنتي مؤمنة وعندك يقين ..
وواقفة في الله إنه قضاؤه كله خير .. وإنه سبحانه وتعالى مش هيضعك أبداً ..



♥ يعني الدعاء مستجاب مستجاب ...

بس إنتي إدعي ربنا وإنتي على يقين بالإجابة..

إوعي تياسي! وإوعي تعصي ربنا علشان الزواج!!

♥ لازم تعرفي إن الزواج دا وسيلة .. وعمره ما كان غاية !! يعني الزواج و سيلة لرضا ربنا سبحانه وتعالى ودخول الجنة و كسب الحسنات و الأجر .. الزواج مش غاية..يعنى مش هتكون نهاية المطاف إنك تتجوزى..لأ ، دى البداية لحياة أبدية ؛ أسعد حياة في الجنة إن شاء الله ..

♥ وتأكدي إن ربنا أعز و أعظم و أكرم من إنه يضيعك .. و إنتي نفذتي اللي أمرك بيه و بعدتني عن اللي نهاكي عنه
إنتي عايزه تتجوزي علشان تعيشي أحلى حياة ..

وأحلى حياة في طاعة الله

www.goodwayinlife.com



♂ معاني الأنوثة ♀



الأنوثة نعمة غالية ربنا اللي إداها ليكي وبأيديكي تحفظيها ، أو تضيع من بين أيديكي إحمدي ربك تملي .. واشكري نعمه عليك إوعي تفتخري بجمالك ، كله زايل من عنيك



الأنوثة مش بإنك ... تهوسي عقل الشباب الأنوثة هي إنك ... تحمي نفسك م العذاب الأنوثة شئ وكامن ... جوه منك وإنتي باب إوعي تتميعي بكلامك ، أو تقولي دول صحاب تبقي تستهلي اللي يحصل والسؤال ملهوش جواب!



خَلِّي مكيالك إيمانك ، مش بأحمر ع الخدود
طَهري دايماً في قلبك ، بكرة نصبح أكل دود
مش تعدي أي كلمة ... قفلي كل السدود



عَطري روحك بذكرك، وإرضي ربك وإمشي راضية
لو في مرة حد عاكسك .. مش تردي بكلمة فاضية
إوعي تدي فرصة ليهم ، وإدى ليهم ضربة قاضية



هو أحسن ترضي ربك؟؟ ولا ترضي الناس بحالها؟؟
هو إيه للبنت يشفع؟؟؟؟؟ شكلها ولا عملها؟؟؟؟؟؟
دا الجمال في الجسم زایل ، إنتي شوقتيه دام لمين؟
والجمال في الروح بيفضل .. مهما بتعدي السنين
كوني بنت بألف راجل .. إخرسي في الطمّاعين



الأنوثة مش مجرد .. حبة أحمر ع الشفايف
الأنوثة مش في إنك .. تهوسي عقل اللي شايف
إبعدي عن كل شبهة ، دول بناتنا كتير عفايف



الزهور بتكون جميلة طول ما لسه الشوك حاميتها
بس لو يوم شوكتها سابها ؛ ألف إيد تتمد ليها !
خلي نورك جوه قلبك .. والإيمان هيكون ماليها



إقري في القرآن وسيبك م الأغاني مع الصحاب
إعرفي سنّة رسولك .. وإبسي فرضك حجاب
إوعي تلتفتي لكلامهم ، مش ده أرحم م العذاب؟؟
لو تقيسي الدنيا ديّه ، إيه هتاخدي غير تراب ؟



حياة جديدة

♥ زهقانة؟؟ حاسه إنك مخنوقة؟؟

مش حاسه بطعم للحياة؟؟

طيب تعالي بينا نطلع رحلة.....؟؟؟

تحبي تطلعي رحلة فين؟؟

إيه أجمل مكان شوفتیه في حياتك ونفسك

تروحیه؟؟

♥ طيب تعالي نحلم سوا .. و أي حلم؟!!

ده أحلى حلم في حياة كل واحد فينا ..

هاخذك معايا مكان مختلف تماماً.. مكان كل

الناس سعيدة فيه .. الكل فرحان ومرتاح البال ..

مكان كله حب في حب ... الحب الحقيقي بجد..

هاخذك ونروح الجنة ..



سيرة البنت العفيفة هي أحسن شئ يدوم
حبرها مكتوب بدينها : مش بمكياج أو هدوم
إوعي صوتك يعلى مرة : ده الرسول علم علوم
إنتي بإيديكي تكوني زي نور وسط الغيوم



إنسي مكياجك وسيبي .. نور إيمانك يملئ وشك
بدلي مرايتك بقلبك .. مستحيل قلبك يغشك



كل شئ في الدنيا لَمَّا .. بيداروه بيزيد جمال
والعصاف للبننت يغلب أي شكل و أي مال
إنتي أجمل ألف مرة .. لو جمالك جوه قلبك
مش مهم الخلق ترضى .. المهم هترضي ربك
هو إيه في الكون دا يغلب لو إله الكون دا جبك ؟
هو إيه في الكون دا يغلب لو إله الكون دا جبك ؟



إهداء الشاعر / أحمد عبد الله



♥ في الجنة ..

♥ ما لا عين رأت ..حاجة مفيش حد قبل كده شافها
ولا حتى في الخيال!
♥ ما لا أذن سمعت .. أصوات جميلة عمرك ما
سمعتها ولا حد سمعها قبل كده ..
♥ ولا خطر على قلب بشر ..يعني مفيش حد يقدر
يتخيل..!

أصل ربنا هو اللي أعدها..

تخلي بقى دي تبقى عامله ازاي؟؟

♥ النبي ﷺ والصحابة حطوا الجنة قدام عنيتهم ؛
علشان كده قدروا يصبروا ويستحملوا أي مشكلة أو
إبتلاء في الدنيا ..

مين فينا هيصبر زيهم علشان يفوز بيها؟؟



♥ ومهما حلمنا أو حاولنا نتخيل الجنة ، مش هنقدر!
عارفة ليه؟؟ لأن فيها ما لا عين رأت ولا أذن سمعت
ولا خطر على قلب بشر!!

♥ تعالي نشوف حبيينا النبي ﷺ وهو بيوصفنا
بعض نعيم الجنة ؛ علشان نشتاق ليها بقلوبنا ونجتهد
علشان نفوز بيها...قال رسول الله ﷺ :

« يقول الله ﷻ : أعددت لعبادي الصالحين
ما لا عين رأت ، ولا أذن سمعت ، ولا خطر
على قلب بشر ، ثم تلا النبي ﷺ قول الله ﷻ :

(فَلَا تَعْلَمُ نَفْسٌ مَّا أُخْفِيَ لَهُم مِّن قُرَّةِ أَعْيُنٍ

جَزَاءً بِمَا كَانُوا يَعْمَلُونَ)

[السجدة:١٧] « (١)



(١) رواه البخارى ومسلم



◆ **جمالك في الجنة** : فوق أي جمال تتصوره !!

الحورية في الجنة جمالها يفوق أي وصف ،

❁ إنتي هتبقي أجمل من الحور العين في الجنة !

يعني إنتي ملعة في الجنة ..

◀ ماتضيعيش سعادة الآخرة ... إحنا مش عايزين

ندخل الجنة وخلص ؛ إحنا عايزين أعلى درجات

الجنة ؛ عايزين الفردوس الأعلى ..

أصل الجنة درجات.. وطالما عايزين أعلى درجة ؛

يبقى لازم نتعب شوية ونصبر علشان نفوز بيها ..

✓ زي الطالب اللي بيقد يذاكر ويسهر ويتعب ، بس

كله بيهون لما بيلاقي نفسه آخر السنة من الأوائل ..



بلا بينا نروح الجنة ..

◆ **أهل الجنة** : متميزين جداً في الآخرة زي ما

كانوا متميزين جداً في الدنيا .. كانوا متميزين في

الدنيا برضاهم بأوامر ربنا سبحانه و تعالى ... يعرفوا

إن دا حرام يتركوه.. و دا فرض يعملوه..

◀ أول ناس داخلين الجنة ، النبي ﷺ وصفهم بالقمر

ليلة البدر، والناس اللي وراهم نورهم زي نور

الكواكب في السما !!

إنتي متخيلة الكلام ؟؟ مش نفسك تكوني منهم ؟؟؟

مش نفسك تكوني بدر يوم القيامة ؟؟

◀ حبيبك بيوصفهم ويقول ﷺ :

« إن أول زمرة يدخلون الجنة على صورة القمر ليلة

البدر ، والذين يلونهم على أشد كوكب دري في

السما إضاءة » (١)

(١) رواه البخاري ومسلم.



♥ يااااااه ، مفيش شئ في الجنة أحب ولا أروع من رؤية وجه الملك سبحانه وتعالى ، ربنا يرزقني وإياكي رؤية وجهه الكريم ورضاه الأبدي عنا..



وبعد كل اللي قرأتيه وتخيلتيه ده ،،،

مملكه تبيعي كل ده ب إيه؟؟؟

◀ عايز أتكلم معاكي عن شئ مهم جداً في حياة كل مسلمة، شئ بيميز أي بنت مسلمة عن بنات الكون كله

عايز أتكلم معاكي عن حجابك

يووووووه !!تاني الحجاب!! طيب ما أنا محجبة!!

يا ترى إنتي فعلاً محجبة؟؟

إحنا منقدرش نقول لأ؛ لأن فعلاً فيه حاجة ملفوفة على شعرك،بس للأسف صعب تحكم عليه أنه "حجاب"!



◈ **أعظم نعيم في الجنة :** أجمل وأعظم نعمة في الجنة يا أختي إنك تشوفي ربك حبيبك ؛ ربك اللي تعبتي علشانه ، وصبرتي على الطاعة علشانه ؛ ربك اللي تركتي كل حاجة غلط علشانه ..

رؤية الملك ﷻ

♥ قال رسول الله ﷺ : « إذا دخل أهل الجنة الجنة ، وأهل النار النار، نادى مناد: يا أهل الجنة إن لكم عند الله موعداً يريد أن ينجزكموه، فيقولون: وما هو؟ ألم يثقل الله موازيننا ويبيض وجوهنا ويدخلنا الجنة وينجنا من النار؟؟ فيكشف الحجاب ، فينظرون إليه فوالله ما أعطاهم الله شيئاً أحب إليهم من النظر إليه ولا أقر لأعينهم»^(١)

(١) صححه الالباني في صحيح ابن ماجه



﴿ أنا عايز أكلم أختي اللي مكتوب فى خانة الديانة فى بطاقتها مسلمة .. ﴾

وأقولها يا أختي ياللى بتصلي وبتصومي وبتطيعي ربنا.. بس **حجابك لسه مش كامل !!**

✓ **الحجاب** يا أختي مش مجرد طرحة بتتلف على الرأس وخلاص ... **الحجاب** يعني لبس البنت المسلمة ككل ... كلمة "حجاب" أصلاً يعني بيحجب...بيمنع.. يعني بيغطي...وده مش متوافر في لبس البنات فى الزمن ده زي ما إنتي شايفة!؟!

✓ **طيب** إيه هو الهدف من الحجاب!؟ إيه لازمته!؟ المفروض أنه بيحمي البنت المسلمة ويعفها ويمنع عنها ذناب البشر ويمنع عنها أي أذى .. وكمان علشان نحمي شبابنا من فتنة النساء...الشباب اللي عينيهم اتدمرت من النظر للبنات...



وقبل ما أكمل كلامي ..

♥ **أولاً :** لازم تعرفي إن ربنا بيحبك .. أيوه بيحبك .. علشان سهّل إن الكتاب ده يوصلك وتقرأ الكلام ده ، بنات غيرك كثير ممكن ميوصلهمش الكلام ده .. ويضيعوا آخرتهم وهما مش حاسين ، وفاكرين إنهم ماشيين صح ! فالحمد لله إن ربنا بعثك اللي يذكرك ..

♥ **ثانياً :** إوعي تزعلي مني..أو من الكلام .. أصل ده مش كلامي .. ده كلام ربنا سبحانه وتعالى والنبي ﷺ اللي حبهم بيجرى فى دمي ودمك .. ولا إنتي مش بتحبي ربنا والنبي ﷺ!؟؟؟ يبقى لازم نتفق إن أي حد بيحب حد يبقى لازم يحب كلامه ويسمعه .. صح ولا أنا غلطان!؟





♥ رسالة إلى كل بنت مسلمة : إلى كل بنت بتصلي وبتصوم وبتقرأ قرآن وفاكرة إن (لبسها محترم) !

«بقولها يا أختي :

مفيش حاجة اسمها لبس محترم ولبس مش محترم !!

مفيش حاجة اسمها بنطلون واسع وبنطلون ضيق !

مفيش حاجة اسمها بنطلون وفوقه فيست مغطيه !

مفيش حاجة اسمها بدي لوحده وبدي فوقه بلوزه !

فيه حاجة اسمها الزي الشرعي الإسلامي كما وصفه

الله ﷻ ورسوله ﷺ ..وده اللي هنعرفه بإذن الله...

♥ أنا هكلمك دلوقتي..ولو شديت عليكي متزعلش؛

لأني خايف عليك..أنا ممكن أضحك عليك بكلمتين

زي أي حد مش خايف عليك ومش خسران حاجة

لما يجاملك ويقولك إنك كده كويسة وأحسن من غيرك

اللي كاشفة شعرها واللي لابسة نص كم واللي نسيت

تلبس أصلاً !!



♥ وربنا هو اللي فرض الحجاب .. وهو أعلم بينا

وبمصلحتنا وباللي فيه الخير لينا..

ولكن اللي بيخالف أمر ربنا .. يبقى يستاهل عقابه؟



الموضوع خطر والله ..

أنا عايزك تخافي على نفسك..! إنتي فاكده نفسك

ماشية في طريق الجنة وإنتي والله مش هتقرب ليها

ولا حتى هتشمي ريحتها إلا لو توبتي ..!!

طيب أنا بكلمك ليه؟؟

أنا لما أشوف أختي ماشية وقدامها حفرة وهتقع فيها

وهي مش واخدة بالها ؛ لازم أحذرها ..؟؟ بعد كده لو

وقعت في الحفرة يبقى هي اللي إختارت بإيديها !!



تعالى نشوف لبسك ده ممكن يوديكي فين؟

" إنتي عارفة يا أختي ..

← لو نزلتي الشارع و ١٠٠ واحد بس نظر ليكي ..
ب ١٠٠ سيئة .. هنقول بسيطة .. مفيش مشكلة !

← لو نزلتي الجامعة وألف واحد بس من الألوفا اللي موجودين فى الجامعة نظر ليكي .. كل واحد هنقول نظر ١٠٠ نظرة هيطلع بس ١٠٠٠٠٠ سيئة !

← لو واقفة بقى مع شلة فى الجامعة ساعة ولا اتنين كل واحد فيهم نظر ليكي ١٠٠ نظرة فى المدة دي ..

← لو شاب من إياهم اللي عينهم هيئة أرصاد جابك من فوق لتحت ربع ساعة يعنى كمان ١٠٠٠ نظرة ..

← لو نزلتي تتفسحي بالليل وكل واحد من شباب الليل اللي ميتوصوش ، هنقول نظر ١٠ مرات بس !

بعد ده كله هتدجعي البيت بكام سيئة؟؟



♥ ده الرسول ﷺ نفسه خايف عليكى وقال :

« يا معشر النساء تصدقن وأكثرن الإستغفار فإني رأيتكن أكثر أهل النار »^(١)

مستنيه إيه علشان تلبسي حجاب صح ؟؟؟؟

مستنيه إيه؟؟

مستنيه موت الفجأة ياخدك وتقابلي ربنا كده؟؟

* هو الموضوع خطير للدرجة دي يعنى؟؟؟

◀ ما كل البنات والستات لابسين كده؟!

معنى كده إن كلهم هيتعذبوا فى النار يعنى؟!

◀◀ ما أنا لسه قايلك إن النبي ﷺ قال إن النساء أكثر

أهل النار !!!

(١) رواه مسلم

كاسيات عاريات : يعنى لابسه وساتره نفسها ومفيش أي حاجة من جسمها ظاهرة ..بس لابسها ضيق مبين جسمها كله ؛ فكأنها مش لابسة !! زي اللي بنشوفه دلوقتي بالظبط من لبس البنات (جيبات وبدييات وفيستات وبناطيل جينز و اسكني واسترثشات)

٢ - ملعونة مطرودة من رحمة الله ..!!

قال ﷺ: « سيكون في آخر أمتي رجال يركبون على سروج كأشباه الرحال ، ينزلون على أبواب المساجد ، نساؤهم كاسيات عاريات ، على رؤوسهن كأسنمة البخت العجاف ، إلغوهن فإنهن ملعونات »^(١)

وقال ﷺ أيضاً : « لعن الله النامصة والمتنمصة »^(٢) **والنامصة :** هي المرأة التي تزيل أو تنتف أو ترقق من شعر الحاجبين ..اللي بتعمل كده ملعونة !!

(١) صححه الالباني في السلسلة الصحيحة

(٢) صححه الالباني في صحيح الجامع

طيب حكم الله ورسوله فيني إيه؟؟

بلبسك اللي إنتي مستهترة بيه ومتهاونة فيه ومش حاطه أي أهمية ليه ؛ النبي ﷺ قال إنك :

١ - من أهل النار ولن تقربي الجنة ولا تجدي ريحها !!

قال رسول الله ﷺ : « صنفان من أهل النار لم أرهما، قوم معهم سياط كأذناب البقر يضربون بها الناس، ونساء كاسيات عاريات ، مائلات مميلات، رؤوسهن كأسنمة البخت المائلة ، لا يدخلن الجنة و لا يجدن ريحها ، وإن ريحها يوجد في مسيرة كذا وكذا »^(١)

عارفه كاسيات عاريات يعني إيه؟؟

????????

(١) رواه مسلم



« زانية !! وكمان الصلاة مش مقبولة !!
ليه كده؟؟؟ »

ليه رضيتي تبقي زانية؟ علشان شوية برفان وروايح !
فيه **{ بنت عاقلة }** في الدنيا ترضى بكده؟!
« معتقدش إن حد عنده (ذرة عقل) يرضى بكده !

٤ - منافقة ومن شر هذه الامة..!!

قال رسول الله ﷺ : « خير نساءكم الولود الودود
المواسية المواتية إذا إتقين الله .. وشر نساءكم
المتبرجات المتخيلات ، وهن المنافقات ، لا يدخل
الجنة منهن إلا مثل الغراب الأعصم » (١)
وكمان منافقة ! ومن شر الناس في أمة النبي ﷺ !!
إنتي متخيلة الكلام ده وحاسة بيه ؟؟؟؟؟؟؟

(١) صححه الالباني في السلسلة الصحيحة



« ترضى بكده ؟؟؟ إنتي عارفة اللعنة يعني إيه ؟؟؟
اللعنة يعني الطرد منه رحمة الله!!! »

ده أي حد فينا يتمنى أقل جزء من رحمة ربنا ،
هو إحنا أصلاً هندخل الجنة غير برحمة ربنا ؟؟
أديكي بلبسك ده بقيتي ملعونة وطردي نفسك من
رحمة ربنا ..!! ليه كده؟؟ وإيه اللي يستاهل ؟؟؟

٣ - زانية ولا يُقبل منها صلاة..!!

قال رسول الله ﷺ : « أيما امرأة استعطرت فمرت
بقوم ليجدوا ريحها فهي زانية » (١)
وقال رسول الله ﷺ :
« لا يقبل الله من امرأة صلاة خرجت إلى المسجد
وريحها تعصف حتى ترجع فتغتسل » (٢)

(١) صححه الالباني في غاية المرام

(٢) حسنه الالباني في صحيح الترغيب والترهيب

مستنيه إيه؟؟

❖ **عمر ك شوفتى ذنب الرسول ﷺ بيعظم**

خطورته قد كده ؟؟؟؟؟؟؟

❖ بنت هتقول : إيه الكلام اللي إنت بتقوله ده؟؟!
 إنت أكيد بتهرج !! أنا عمري ما سمعت الكلام ده قبل
 كده !! للدرجة دي ؟! للدرجة دي الموضوع خطير ؟؟
 للدرجة دي أنا ممكن ريحة الجنة حتى مشمهاش !!
 «أيوه يا أختي .. التبرج جريمة وذنوب خطيرة جداً..»

مستنيه إيه بقى؟؟

مستنيه عقوبة ربنا في الدنيا؟ ولا مستنيه سوء الخاتمة؟
 ولا مستنيه عذاب القبر؟ ولا مستنيه أهوال القيامة؟؟
 ولا مستنيه عقوبة ربنا في النار ؟؟ مستنيه إيه ؟؟؟
 ده إنتي هتتجبي غضب عنك حجاب شرعي كامل
 وإنتي داخله قبرك.. ٥ أو ٦ لفات كفن ملفوفه فيهم !!
متخيلة شكك وإنتي في الكفن؟؟

٥ - من صاحبات الكبائر التي تعادل القتل..!!

« جاءت أميمة بنت رقيقة إلى رسول الله ﷺ تباعه
 على الإسلام ، فقال : أبايعك على أن لا تشركي بالله
 شيئاً ، ولا تسرقني ، ولا تزني ، ولا تقتلي ولدك ، ... ،
 ولا تنوحني ، ولا تتبرجي تبرج الجاهلية الأولى » (٢)
 ◀ النبي ﷺ حط التبرج مع بقية الكبائر، واشترط علشان
 يبائعها إنها لا تتبرج ، يعنى لو النبي ﷺ شافك دلوقتي
 مش هيرضى يبائعك على الإسلام!! تدهني بلده؟؟!!

٦ - جند من جنود الشيطان في الأرض..!!

قال رسول الله ﷺ : « المرأة عورة ، فإذا خرجت
 استشرفها الشيطان » (٣)
 ◀ يعني الشيطان بيفرح أول ما تخرجي بالمنظر ده!
 بتوفري عليه كتبيبيبيبيير في إضلال الشباب..!!

(٢) صححه الألباني في جلباب المرأة المسلمة

(٣) صححه الألباني في صحيح الترمذى والجامع وابن خزيمة



يا أختي الواحد لما بيثوف فرن مولع بيقول الواحد لو دخل هنا هيحصله إيه؟؟ ما بالك بالنار!!!!!!

النار

إنتي مش عارفه إن شراب أهل النار من نار؟؟
إنتي مش عارفه إن طعام أهل النار من نار؟؟
إنتي مش عارفه إن ثياب أهل النار من نار؟؟

يا أختي كابري في أي حاجة إلا مصيرك؟؟

بايدك تحددى مصيرك ..متتردديش فى القرار..

الرسول ﷺ بيقول في حديث الكاسيات العاريات :
صنفان من أهل النار ..عارفة يعني إيه أهل النار؟
لما واحد يعيش فى بيت كذا سنة بنقول ده من أهل
البيت ، معنى إنتي هتبقى من أهل النار !!
يعنى هتقعدي فى جهنم سنين مش يوم ولا يومين!!

إيه اللي يستاهل إنك تودي نفسك جهنم؟؟



ويمكن تتحجبيه فى الدنيا غصب عنك لو لا قدر
الله جالك حرق ولا حاجة ؛ هتبقى عايزة أي حاجة
تداري بيها الحرق ده ..!!! وعلشان كده بقولك :

إلبسيه حُب قبل ما تلبسيه غُصْب !!

☺ ده إنتي لو خطيبك أو زوجك قالك إلبسي إسدال أو
نقاب هتلبسيه فوراً علشان ترضيه وامتزعليهوش !
فهل رضا خطيبك عندك أفضل من رضا ربك!!!!!!

« ويا ترى يوم القيامة هيبقى موقفك إيه..؟؟ »

☺ الرسول بيقول « العنوهن فانهن ملعونات » ...
يعنى هتطردي من رحمة الله ! إزاي؟؟؟ يعنى فى
عز الحر هتطردي من ظل عرش الرحمن ..
هتطردي من إنك تشربي من إيد النبي ﷺ !! وهتقابلي
ربنا إزاي؟؟ وهتقفي بين إيديه إزاي؟؟ وهتقوليله إيه؟
ومصيرك هيبقى إيه ساعتها؟؟ ... إلى النار!!!!!!

إنتي عارفة يعني إيه النار؟؟؟؟؟



◀ نيجي لأهم نقطة في الموضوع .. وهي :

صفات الإجاب الشرعي السليم

لبس المرأة ينقسم الى الحجاب والجلباب:

- ♥ **الحجاب** : بمفهوما هو الحاجة اللي بتغطي الرأس
- ♥ **والجلباب** : يعني اللبس اللي بيبقى تحت الحجاب أو اللي هو العباية بمفهوما ..
- يعني مينفعش أبقي لابسه حجاب صح وجلباب مخالف أوالعكس .. لازم نظبط الاتنين ...

- ♥ **أولاً : الحجاب** : حجاب فضفاض .. سواء إيشارب كبير أو طرحة كبيرة أو خمار .. أهم شئ يكون :
- ✓ **الحجم**: مغطى نصف جسمك اللي فوق كله .. كله !
- ✓ **الشكل**: مش متقوب ولا شفاف ولا مطرز ..
- ✓ **اللون** : ألوان مش مُلفته، مينفعش بيبقى ٥٠ لون في بعض ولا ألوان الطيف مع بعض ولا الكلام ده كله !



♥ طيب ده زمايلي وأصحابي كلهم هيسيبوني ..!؟؟!
زمايلك وأصحابك ولا ربنا !!؟ .. مفيش وجه إختيار أصلاً يا أختي !! إختاري ربك ومستحيل يضيعك ..

♥ **طيب ده أنا كده هعنس ومش هتجوز ..!؟؟!**
مين قال كده؟! ده المنتقبات والمخترات أكثر ناس بيتجوزوا دلوقتي .. أغلب الشباب بيبيص للبنات المتبرجة على إنها تنفع للفرجة والمصاحبة وبس .. إنما عند الجواز بيختار المحجبة حجاب صح ..

♥ **طيب ده الناس هتتريق عليا وعلى لبسي ..!؟؟!**
الناس هتقولك ده اللبس الواسع ده بتاع الستات العواجيز .. بتاع (تيته) و (جدتو) ويتريقوا عليكى!! لازم تستحملي .. وتعرفي إن هيجي اليوم اللي هتتريقى إنتي عليهم وإنتي فى الجنة ..

♥ **وأي شُبْهة الشيطان هيجيبهاك علشان تتأخري فى التوبة وتغيير لبسك لازم تشيلها من نفسك تماماً**

مفيش وقت للتسويف .. إوعي تستني !!



مفسدات الحجاب

مفسدات الحجاب اللي يجيبو الحجاب بتاعك الأرض:

✗ البرقان والروايح بأنواعها

✗ المكياج بكل أنواعه

✗ الكعب العالي

إياكي والـ ٣ حاجات دول !! إياكي !!



درجات الحجاب

① حجاب المرأة الصالحة: عباية بنفس المواصفات السابقة وحجاب سواء إيشارب أو خمار برده بنفس مواصفات الحجاب اللي ذكرناها ..



♥ **ثانياً : العباية :** عارفه إسدال الصلاة اللي بتلبسيه زيه كده بالظبط ؛ أصلك واقفه بين إيدين ربنا في الصلاة .. وف نفس الوقت إنتي برده بين إيديه في الشارع وفي كل مكان .. يعني ممكن عباية أو إسدال ..

« بس أهم شرط لأي حاجة تلبسيها :

- ✓ انها متعرفش اللي يشوفك حجم جسمك ..
- ✓ يعني متعرفش حد إنك تخينة ولا رفيعة ..
- ✓ يعني مفيش حاجة نهائياً اسمها وسط للعباية أو أي لبس هتلبسيه ..!!! ومينفعش بنطلون إطلاقاً حتى لو كان أوسع بنطلون في الدنيا !
- ✓ وتكون طويلة بحيث إنك لو قعدتي أو ركبتني مواصلات مفيش حاجة من جسمك تنكشف ..
- ✓ وقماشتها طبعاً سمكية مش شفافة ..
- ✓ والألوان ..؟؟ البسي أي لون يعجبك ، بس إياكي من الألوان المتداخلة في بعضها والفاقة والملفتة اللي تخطف عين اللي يبصلك ..



إيه اللي يسناهل يا أختي..؟؟؟؟!!!

❁ إنتي متخيله جمالك فى الجنة هيبقى شكله ايه لو أطعتي الله ولبستي حجاب صح؟؟
 ✓ زي ما قولتلك هتبقى أجمل من الحور العين..
 ❁ والله يا جماعة المنتقبة أو المختمرة بتبقى ملكة ماشية فى الشارع ، ليه تحرمى نفسك من لذة الإيمان..**إلحقي إركبي قطر التوبة قبل ما يطلعه**
 قال تعالى: (وَلَا تَبَرَّجْنَ تَبَرُّجَ الْجَاهِلِيَّةِ الْأُولَى)
 ❁ إنتي عارفة تبرج الجاهلية الأولى يعنى إيه؟
 كان النساء بيلبسو الطرحة فتبان حثة من مقدمة رأسها ورقبتها وبس..ده ربنا قال عليه إنه تبرج!
 ◀ يعنى عمرنا ما سمعنا إن مرأة أبو جهل لبست (بدي) ولا مرأة أبو لهب لبست (استرتش)..ولا كانوا يرضوا بلبسوه..!!



② حجاب المرأة المصلحة: النقاب ..

بنفس المواصفات السابقة ..النقاب الحقيقي ...
 اللي فيه تقوى لله عز وجل .. الفقهاء اختلفوا قالوا
 النقاب فرض ولا مش فرض .. والراجح إنه فرض ..
 وحتى اللي قال إنه مش فرض ، قال بشرط الأمن من
 الفتن .. وإنتي فى زمن الفتن وإختاري ..؟؟؟؟؟؟؟؟

③ حجاب المرأة السابقة: حجاب الجسم كما ذكرنا

بالإضافة إلى الإحتجاب عن الرجال والبعد عن
 الإختلاط قدر الامكان " (١)



(١) ما بين القوسين " " مقتبس بتصريف من محاضرة مستنيه ايه
 للدكتور حازم شومان



لو قابلتي ربنا وإنّي باللبس ده ..

هتقوليله إيه ؟؟؟

- ◀ هتقوليله كنت مستنيه لما أتخطب وبعدين أبقى
أغير لبسي ؟؟
- ◀ ولا هتقوليله الناس كانت هتقول عليا مش (شبيك)
لو كنت إتزمت بالزري الشرعي؟؟
- ◀ ولا هتقوليله أصلي مكنتش مقتنعة .. ما هو كله
لبس وخلاص وكل البنات كانت بتلبس كده !!
- ♥ مش عايزين نندم !! في يوم مش هينفع فيه الندم!!
مش عايزين خطوات يا مؤمنة يا غالية ياللى الإسلام
عايز يحفظك ويصونك ويخليكي جوهره ميوصلهاش
إلا اللي يستحقها..
- يعني مش عايزين حد يقول هلبس الأول بنطلون
واسع وبعدين جيبه وبعدين ممكن أبقى ألبس إسدال !

عايزين حجاب صح كامل مرة واحدة !!



♥ بنت طيبة هتقول : طيب أنا دلوقتي كنت بلبس
بناطيل وبديهات ومكنتش أعرف الكلام ده كله ..
هل لو تبت ورجعت لربنا وغيرت لبسي ، ممكن ربنا
يقبني ويغفرلي؟؟؟
🌸 طبعاً يا أختي .. بل سيئاتك كلها هتتبدل لحسنات
بإذن الله .. ربنا بيقول :

(إِلَّا مَنْ تَابَ وَآمَنَ وَعَمِلَ عَمَلًا صَالِحًا فَأُولَئِكَ يُبَدِّلُ

اللَّهُ سَيِّئَاتِهِمْ حَسَنَاتٍ وَكَانَ اللَّهُ غَفُورًا رَحِيمًا) [الفرقان: ٧٠]

◀ بس إنتي خدي القرار دلوقتي .. متديش أي
فرصة للشيطان أنه يرجعك ويبعدك عن طريق ربك..

مفيش وقت يا أختي.. بلاش تسويف ..

محدث عارف هيموت إمتي ..!؟!

وموت الفجأة شايفيه قد إيه إنتشر

في الزمه ده ..!!!



﴿ خليكى حاسمة .. خدي القرار فوراً .. مش عايزين
إستعباد لشهواتنا أكثر من كده ..!!

﴿ وخلي الكلمتين دول على طول فى بالك ..

من وجد الله فماذا فقد؟؟

ومن فقد الله فماذا وجد....؟؟

♥ يلا يا أختي نصح حجابنا ونصلي فروضنا ..

ونرجع لقرآننا و نبدأ حياة جديدة ..

حياة هدفنا الوحيد فيها هو رضا ربنا اللي خلقنا وأنعم

علينا بنعم ملهاش عدد ولا حصر ..

حياة كلها راحة وطمأنينة وسعادة .. شعارنا فيها..

أحلى حياة فى طاعة الله

www.goodwayinlife.com



﴿ بس فيه ناس بتقول : أنا لو غيرت لبسي مرة

واحدة هيبقى صعب ومش هقدر !

﴿ لو تضمني إنك تعيشي يوم واحد كمان .. هقولك

خدي خطوات براحتك! إنما محدش فينا ضامن عمره!

لو جالك ملك الموت هتقوليله إيه؟؟

إسئنى شوية على ما أثوب واغير لبسي؟؟!

كفاية إن ربنا إداكي الفرصة لحد دلوقتي علشان

تصحى حجابك..! عايزين نفوق بقى ونعمل حساب

آخرتنا ووقفنا للحساب أمام الله سبحانه وتعالى..!


عايزين تبقى :

♥ الخطوة الأولى ... خمار مع جونتى ..

♥ الخطوة الثانية ... نقاب ..

♥ الخطوة الثالثة ... عريس صالح ..

♥ الخطوة الرابعة ... الجنة بإذن الله ..



سيرة البنت العفيفة

هي أحسن شيء يدوم

حبرها مكتوب بدينها

مش بمكياج أو هدوم

إنتي يا يديكي تكوني

زي نور وسط الغيوم



✓ **وقبل ما أختم كلامي ..** عايزين نتفق أن مفيش بنت

مابتحبش الموضة واللبس ؛ ربنا خلق المرأة على فطرة

حب الزينة والظهور وحب أنها تكون جميلة وجذابة ..

بس هل معنى كده إن أنا أمشي ورا شهواتي ..؟؟

✗ **لا طبعاً ..** ده إحنا فى الدنيا هنا فى إمتحان ..

إمتحان هل هنتبع شهواتنا ونسمع كلام الشيطان ولا هنطيع

ربنا ونصبر شوية فى الدنيا علشان الجنة؟؟

قال الله تعالى : { **الَّذِي خَلَقَ الْمَوْتَ وَالْحَيَاةَ لِيَبْلُوَكُمْ**

أَيُّكُمْ أَحْسَنُ عَمَلًا } [الملك:٢]

✓ عايزك تروحي تفتحي دولابك وتبصي للبسك ،

وتقولي لنفسك : **ده اللبس اللي هقابل بيه ربنا ..؟؟**

ياللا من دلوقتي شيلي كل اللبس ده وكل علب المكياج

وإنزلي إشتري لبس جديد وإبدأي حياة جديدة بجد ..

☛ **والله أنا خايف עליكي ..** وممكن الكتيب ده يكون

آخر رسالة حد يقولهالك عن حجابك قبل الموت !!

ف ← إلحقي نفسك ..!!